



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-281-3/24**
Datum: **31.07.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BBM-Vareš“ d.o.o. Vareš za donošenje rješenja o vodnoj dozvoli za ispuštanje sanitarno fekalnih otpadnih voda iz upravne zgrade na lokalitetu površinskog kopa „Kota“ općina Vareš, u septičku jamu sa preljevom u upojni bunar, na osnovu člana 139. stav (1) tačka 4. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi:

RJEŠENJE o vodnoj dozvoli

1. Pravnom licu „BBM-Vareš“ d.o.o. Vareš daje se vodna dozvola za ispuštanje sanitarno fekalnih otpadnih voda iz upravne zgrade na lokalitetu površinskog kopa „Kota“ općina Vareš, u septičku jamu sa preljevom u upojni bunar.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da pravno lice, „BBM-Vareš“ d.o.o. Vareš obezbijedi da se sistem za prikupljanje, prečišćavanje i ispuštanje ispuštanje sanitarno fekalnih otpadnih voda u upojni bunar na predmetnoj lokaciji održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Objekte čija je svrha odvođenje i prečišćavanje onečišćenih voda (septička jama, reviziono okno, upojni bunar) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring, a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.4. Čišćenje septičke jame, te odvoz i konačno zbrinjavanje otpadnog mulja i taloga, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. Ukoliko Vlada kantona propiše dodatne (strožije) uvjete, od uvjeta definisanih u Uredbi o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.6. Da se kod pranja koriste sredstva koja su prikladna okolinskim zahtjevima.
 - 3.7. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.8. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.9. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, korisnik predmetnog objekta „BBM-Vareš“ d.o.o. Vareš, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117, stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „BBM-Vareš“ d.o.o. Vareš obratilo se ovoj Agenciji sa zahtjevom zaprimljenim dana 03.06.2024 godine, za donošenje rješenja o vodnoj dozvoli za ispuštanje sanitarno fekalnih otpadnih voda iz upravne zgrade na lokalitetu površinskog kopa „Kota“ općina Vareš, u septičku jamu sa ispustom u upojni bunar na zemljištu označenom kao k.č. 1054 K.O. Pogar, općina Vareš.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Aktuelni izvod iz sudskog registra broj: 043-0-RegZ-21-002461 od 14.09.2021. godine izdat od strane Općinskog suda u Zenici-kopija,
- Uvjerenje o registraciji/upisu u Jedinstveni registar obveznika indirektnih poreza, broj:04/1-UPP/1-7611/07 od 01.08.2007. godine izdato od strane Uprave za indirektno-neizravno oporezivanje Banja Luka - kopija,
- Uvjerenje o poreznoj registraciji od 06.07.2007. godine izdato od strane Kantonalnog poreznog ureda Zenica - ovjerena kopija,
- Rješenje, broj: UP-I/02-2-23-64/00 od 21.06.2001. godine izdato od strane Federalnog ministarstva prostornog uređenja i okolice – kopija,
- Rješenje, broj: UP-I/02-2-23-2-74/99 od 04.02.2000. godine izdato od strane Federalnog ministarstva prostornog uređenja i okolice – kopija,
- Rješenje broj: UPI 05/2-02-19-5-88/21 od 11.08.2021. godine izdato od strane Federalnog ministarstva okoliša i turizma – kopija,
- Rješenje, broj: UP1-16-18-01424/2011 od 23.05.2011. godine izdato od strane Federalne uprave za inspekcijske poslove – kopija,
- Rješenje, Up/I broj: 07-18-514/01 od 08.01.2002. godine izdato od strane Federalnog ministarstva energije, rudarstva i industrije – kopija,
- Zapisnik o inspekcijskom nadzoru, broj: UP1-14-21-2-00133/2022-1403-P-1403-1-P od 14.09.2022. godine sačinjen od strane Federalne uprave za inspekcijske poslove – kopija,
- Zapisnik o inspekcijskom nadzoru, broj:18-14-00005/23-05-05-P-05-05-001-P od 16.02.2023. godine sačinjen od strane Kantonalne uprave za inspekcijske poslove- kopija,
- Izvještaj o monitoringu kvaliteta i kvantiteta sanitarno-fekalnih otpadnih voda kamenoloma „BBM-Vareš“ Kota Vareš, urađen od strane „Inspekt RGH“ d.o.o. Sarajevo, decembar 2022 godine broj: 1756/22,
- Rješenje o vodnoj dozvoli broj: UP-1/21-3-40-621-8/18 od 11.06.2019 godine izdato od strane «Agencije za vodno područje rijeke Save» Sarajevo,

- Dokaz o uplaćenju upravnoj pristojbi 70 KM,
- Zapisnik o uviđaju broj: UP-1/21-3-40-149-4/24 od 23.04.2024. godine sačinjen od strane Agencije za vodno područje rijeke Save" Sarajevo,
- Ovjerena izjava data od strane podnosioca zahtjeva dana 31.07.2024 godine.

Projektna dokumentacija koja je dostavljena elektronskim putem Projekat izvedenog stanja vanjskih instalacija vodovoda i kanalizacije poslovnog kompleksa kamenoloma „BBM- Vareš“ za potrebe izdavanja vodne dozvole, novembar/studenj 2010. godina urađen od strane „Zavod za vodoprivredu“ d.d., Sarajevo te se ista ne vraća.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće: Uvidom u bazu podataka ove Agencije utvrđeno je da je za ispuštanje tehnoloških otpadnih voda i aktivnosti koje mogu imati specifične uticaje na vode na lokaciji prostora kompleksa objekata namjene: eksploatacija i prerada mineralne sirovine krečnjaka i spilita na površinskom kopu „Kota“ općina Vareš izdato rješenje o vodnoj dozvoli broj: UP-1/25-3-40-149-6/24 od 25.04.2024. godine.

U postupku izdavanja navedenog rješenja je u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-149-4/24 od 23.04.2024. godine.

Obzirom da se radi o istoj lokaciji, činjenice navedene u zapisniku su korištene u postupku rješavanja zahtjeva za ispuštanje sanitarno fekalnih otpadnih voda iz upravne zgrade na lokalitetu površinskog kopa „Kota“ općina Vareš, u septičku jamu sa ispustom u upojni bunar.

U proteklom periodu na prostoru P.K. „Kota“, općina Vareš nije vršena eksploatacija mineralne sirovine, a što je potvrđeno i inspeksijskim nalazima. Eksploatacija mineralne sirovine se ne vrši od 2009-te godine. Problem se ogleda u uklanjanju šume sa eksploatacionog polja „Kota“, općina Vareš. Trenutno se vodi sudski spor-postupak sa koncesionarom tj. Ministarstvom poljoprivrede, šumarstva i vodoprivrede Zeničko-dobojskog kantona.

Trenutno na predmetnoj lokaciji od uposlenika se nalaze samo čuvari.

U prethodnom periodu, u više navrata izvršeni su inspeksijski nadzori i kontrole, a što je zabilježeno u Zapisnicima sačinjenim od Kantonalnih i Federalnih inspeksijskih organa. U svim Zapisnicima je konstatovano da se na prostoru PK-kamenolomu „Kota“ ne vrši eksploatacija mineralne sirovine, a što je potvrđeno nakon izvršenog uviđaja na terenu i sačinjenog Zapisnika.

Razmatrajući predmetni zahtjev i u njemu priloženu dokumentaciju utvrđeno je da je za predmetnu aktivnost od strane ove Agencije ranije izdato rješenje o vodnoj dozvoli broj: UP-1/25-3-40-621-8/18 od 11.06.2019. godine.

Na osnovu naprijed navedenih činjenica te radi lakšeg i bržeg vođenja upravnog postupka u skladu sa članom 14. Zakona o upravnom postupku („Službene novine Federacije BiH“, broj 2/98 i 48/99) zatraženo je od podnosioca zahtjeva da uz zahtjev priloži izjavu da u pogledu registracije društva, izgrađenosti predmetnog objekta, odnosno u tehničko-tehnološkom smislu, obimu i uslovima korištenja voda kao i u ispuštanju otpadnih voda nije bilo nikakvih izmjena u odnosu na ranije izdatu vodnu dozvolu. Podnosilac zahtjeva je dostavio Izjavu.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i ovjerene Izjave a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. Dispozitiva rješenja propisani uslovi kojih se dužan pridržavati prilikom korištenja objekta u skladu sa Zakonom o vodama („Službene novine Federacije BiH“, broj 70/06), Pravilnikom o sadržaju, obliku, uvjetima, i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „BBM-Vareš“ d.o.o. Vareš, ispunio minimum uslova za izdavanje vodne dozvole za ispuštanje sanitarno fekalnih otpadnih voda iz upravne zgrade na lokalitetu površinskog kopa „Kota“ općina Vareš, u septičku jamu sa ispustom u upojni bunar, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.grad.

Dostaviti:

- "BBM-Vareš" d.o.o. Vareš, Kota bb, 71330 Vareš
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava